

লিগ্যাল নোটিশ (Legal Notice) কি?

সাধারণ অর্থে মামলার পক্ষগণের মধ্যে কোনো পক্ষ একজন বিত্ত আইনজীবী মারফত নির্দিষ্ট সময়ের মধ্যে অপর পক্ষকে কোনো কাজ কিংবা দায়িত্ব পালন করার জন্য যে বিত্ত প্রদান করেন, তাকে আইনগত বিত্ত বা লিগ্যাল নোটিশ (Legal Notice) বলা হয়ে থাকে।

আইনে লিগ্যাল নোটিশের গুরুত্ব অনস্বীকার্য। লিগ্যাল নোটিশ দ্বারা কারোর স্বার্থ বা স্বত্ব হরণ করা যায় না। কোনো পক্ষ যাতে ক্ষতিগ্রস্ত না হয় সেজন্য অপর পক্ষকে অনুরোধ করার জন্য লিগ্যাল নোটিশ প্রদান করা হয় এবং এটি আইনের আশ্রয় গ্রহণের প্রাথমিক একটি পদক্ষেপ বলে গণ্য করা হয়।

যেকোনো মামলা দায়ের করার পূর্বে লিগ্যাল নোটিশ প্রদানের প্রধান উদ্দেশ্য হচ্ছে সে ব্যক্তিকে অর্থাৎ অপর পক্ষকে মামলার বিষয়বস্তু সম্পর্কে মামলা দায়েরের পূর্বে অবগত করা যাতে কোনো পক্ষ ক্ষতিগ্রস্ত না হয় এবং প্রয়োজনীয় পদক্ষেপ গ্রহণ করতে পারেন। উদাহরণস্বরূপ, ধারের টাকা ফেরত প্রদানের জন্য কিংবা চুক্তিতে উল্লেখিত শর্ত পূরণ করার জন্য বা স্ট্যাম্প সম্পাদনের মাধ্যমে নেওয়া টাকা দাতাকে ফেরত প্রদানের জন্য অনুরোধ করে লিগ্যাল নোটিশ প্রদান করা হয়। তবে চেকের মামলায় অবশ্য পালনীয় একটি কর্তব্য হচ্ছে চেকের মামলা দায়েরের পূর্বে চেক প্রদানকারী বরাবরে একটি লিগ্যাল নোটিশ প্রদান করা। অর্থাৎ ব্যাংক কর্তৃক চেক ডিজঅনার সম্পর্কে অবগত হওয়ার ৩০ দিনের মধ্যে চেক প্রদানকারীকে এই বিষয়ে অবগত করার জন্য এবং দাবীকৃত টাকা প্রদানের জন্য চেক প্রদানকারীর বরাবর লিগ্যাল নোটিশ প্রেরণ করতে হবে।

মনে রাখতে হবে যে, নোটিশ গ্রহীতাকে লিখিত লিগ্যাল নোটিশ অবশ্যই এ/ডি সহ রেজিস্টার্ড ডাকযোগে পাঠাতে হবে। লিগ্যাল নোটিশ গ্রহণ করার পর লিগ্যাল নোটিশ গ্রহীতার প্রধান কাজ হচ্ছে একজন বিত্ত আইনজীবীর শরণাপন্ন হয়ে উক্ত নোটিশের জবাব প্রদান করা বা বিত্ত আইনজীবীর পরামর্শ মোতাবেক প্রয়োজনীয় পদক্ষেপ গ্রহণ করা।